

蕉嶺縣志

卷一 卷二



重脩鎮平縣志序

處中土者利用因居邊徼者利用變一方之士習民風
既漸趨於文物聲名斯記載所垂亦不敢因循就簡用
貽士大夫蓋鎮平地處炎荒先明末創為縣今此百餘
年士吟于郊民恬於政彬彬斷斷一大都會而邑乘自
沈君廷鶴增脩後迄今尚未搜輯重編不無湮沒之虞
庚子冬予斯蒞事一二鄉望何清鳳輩謁見陳辭且援
上官檄以重脩縣志為請予曰茲有土責也予雖謫為
不文其曷敢辭爰敦餘杭王君竹坪與之商權規制變
易銅染舉我朝
聖人德刑典禮政事下逮賢人君子貞士淑女潛德幽
光詳考登載地利肥磽山川險阻食貨贏縮災祥休咎
民生恬戚據實臚列而自程以每日清案贖理民事之
暇提刀刷削篝燈塗竄閱八月初稿將就而予奉先宜

人之諱王君亦有東莞之役予乃于讀禮之餘更事考
究蓋三易稿而始定噫嘻古昔名賢以平生精力盡于
一書又得諸良友是正猶不免于牴牾以歐陽永叔宋
子京之才一變劉煦舊史而吳縝猶糾之作史之難也
况予人非三長功無枕籍而于牒訴倥傯敲扑囂喧之
餘僅八月而盡變前軌葢茲新構其何以免掛漏訛謬
粗略淺陋之譏然詳美善之行備典禮之大祛濫徇之
習節庸鄙之章使後之宰官得因茲變更鴻厥制作亦
不為無補于萬一而可少恕其狂僭之罪矣是為序時
乾隆四十六年歲次辛丑秋九月文林郎知鎮平縣事
楚安鄉潘承焯若亭撰

續脩鎮平縣志序

治僻小之邑與赤緊望者異赤緊縣地關民衆游又可
以恢如小則踟躕不免其僻處又復勞理下聞於上非
如望縣之朝夕得通呼吸也古稱烹小鮮豈易言哉而
幸有易焉者惟脩志一事四境之內幅員狹聽視焉周
即採葦亦為功昔康對山作武功志十有九日而成其
前事矣鎮平於前明崇正六年始置分自程鄉平遠百
里而近舊志頗詳悉歷五十餘載應繼附者多事增文
省事勢不得不為損益去歲前令潘子承焯脩之未卒
業憂去待余葺其役余以志之脩斑癥最夥寡學如原
憲縫掖捉襟肘見乏才如食肉人遠謀不離鼻踵無識
如瞽者揣盤捫燭為日而河伯望洋不辨牛馬隘據取
如買積還珠掇豨苓遺昌陽求之僻小邑為僻小邑者
徃徃兼乎諸病又如貧家婦紫鳳天吳短褐顛倒余向

所謂易爲者不又難於赤緊望縣乎哉雖然究易爲力也潘子在治數月即緝得梗概余續脩五閱月成書非僻小當不能捷速如是抑余家世闕隴舊傳華陽國志三輔黃圖決錄勝國德涵先生武功志外尚有喬三石耀州志呂仲木高陵志韓苑洛朝邑志皆吾鄉著述昭昭人耳目余幼而習焉久而熟焉即下敏而規撫之或可免於所謂種種斑癥而進而列諸赤緊望縣之史孰失亦宜有能辨之者如曰牛刀不以割雞僻小邑之志何庸全力則余早不敢菲薄茲邑也文日上他時得對山其人者出取吾志而損之又損以遠追乎黃圖決錄之舊余尤城目望之古稱小鮮又稱國無小凡余所為志鎮平者慎諸此凡余所為治鎮平者視諸此是為序時

乾隆四十七年歲次壬寅冬十月文林郎知鎮平縣事

武都吳作哲且菴撰

序

古之設官分職天下皆在掌記之中攷周禮所載保章
辨星野述人造縣鄙職方辨物產誦訓掌方志詳哉其
言之矣又恐不能周知天下之故命小行人適四方各
採所見聞其萬民利害為一書政事教治為一書禮喪
凶荒為一書康樂安平為一書每國辨異以反命於王
制更明且備也自採風之使下行列國各有史官掌記
時事編年紀傳自成一家言蕭何收圖籍以知天下扼
塞戶口多少者其即此物也嗣是一方故實悉屬宰斯
土者隨時纂修勿令有鬱堙鎮以彈丸小邑僻處天南
前明崇正六年始割程平兩縣地以置之草創之初邑
侯胡君會賓諸所創建規模猶備始編邑乘以昭來茲
厥後踵脩者康熙癸卯則徐君履吉癸丑則程君夢簡
丁卯則蔣君彌高至雍正丁未則沈君廷鶴或十餘年

漸次增釐所育故實及一切遞更端末展卷瞭然越今
五十餘年山川土田疆域悉如其舊而官師人物閭壘
貞淑與夫潛德幽光凡可列諸記載者較前更夥而顧
可聽其日就湮沒久而無稽哉平丑春邑侯潘君下車
任始百務未遑即延餘杭王君應亨開局增脩潘君指
授網領斟酌體裁簿書暇手自訂釐閱八月而藁始就
時將付棗以報回籍壬寅春邑侯吳君恭任繳呈上憲
上憲病其沉濫諭令更加刊正吳君乃復搜羅點竄缺
者補繁者除越癸卯秋始行付梓噫鎮以蕞爾邑乘前
有潘君厥製後有吳君葺厥成以之信今傳後鎮實有
光矣吾于斯志復何間然吾所少者鎮平百餘年奇傑
寥寥無以運諸君之鴻才椽筆為可愧耳雖然我
國家大和醞釀至治熏蒸雖僻壤山陬秀靈日出吾鎮
幸勿自域可也况諸君之紀筆載言激揚清從茲鞭策

安知後日不顯燦陸茂照耀史冊也歟余末學菲才濫
竽院長于斯編也無能為役特以芻問情殷且命序言
故為之跋云潘君承焯字若亭官鎮八月市政明肅吳
名作哲字且菴越今政通人和自有碑匪阿所好時

乾隆四十八年癸卯歲年家眷治弟何殿屏頌首拜撰

重脩鎮平縣志凡例

一本邑志書蔣君彌高因程君夢簡舊本而增益之

沈君廷鶴又因蔣本添入四十餘年之事今又數

十年矣續列之恐成架床疊屋乃悉徹底譌叙無

取沿襲變更駭俗惟有識者諒厥苦衷

一前志於山川草木壇廟祠宇散漫刊列難以尋理

今悉為連貫俾可一目了然

一志猶史也而舊志諸傳楠公楠君儼苦家牒甚非
體製今悉更正之

一兵以衛民鎮平駐兵數百而舊志乃不列兵防今
僅登載其略至無從稽考之處仍闕之以俟能者

一各志節烈諸婦已得

旨旌表者方准入志鎮平舊俗類不之拘今仍其舊但

詳考密察不敢濫入耳

一雜志乃志之餘各志類皆另分一卷鎮平新造軼

事無幾今列諸藝文條內亦文中記事之一法

一各類附見者橋渡水利附山川課餉附賦役寓賢

附名宦兵防附城守俱依其次以備參考

一是役也諸費皆通邑士大夫捐備而經營廩餼終

始剗刷以及採訪校閱諸事其功俱不可沒育今

皆列其姓氏於簡端

重脩鎮平縣志姓氏

重脩官

潘承焯

字若平湖南安鄉縣籍乾隆戊子舉人四十六年知鎮平縣

續脩官

吳作哲

字且菴甘肅直隸階州籍乾隆庚辰舉人四十七年知鎮平縣

分校官

郭龍光

號雪巖廣東南海縣籍乾隆庚辰舉人四十七年借補本學訓導

承輯官

熊煥文

字煥宇江西石城縣籍乾隆四十六年補本縣尉

郭長泰

字成九江南江寧縣籍乾隆四十二年任本縣羅崗司巡檢

採葺紳士

楊方嶽

字事舉本邑城壕籍乾隆庚辰舉人甲戌進士原任四川三臺縣知縣

何殿屏

字朝翰本邑石梁鄉籍乾隆己亥舉人

左必達

字必材本邑城壕籍

廖雲飄 字明揚 本學子 廩生

經理紳士

何清鳳

字廷燕 本邑徐漢鄉籍 乾隆壬申武舉 原任江淮五帶千總

古對揚

字子權 本邑貢生 候選布政司經歷

古聲揚

字玉材 本邑貢生

黃 玆

字謙實 本學子 廩生

騰錄

黃廷標

字鏡伯 本學子 廩生

校字

李綬光

字材謙 州學附生

重脩鎮平縣志目錄

卷一疆域志

沿革

星野

封界

城池

官署

祠廟

古蹟

山川

附載水利橋梁

村墟

氣候

卷二賦役志

田糧

附載各餉

鹽法

物產

風俗

卷三 典禮志

儀禮

秩祀

名宦

附載
宗吳

鄉賢

節孝

卷四 職官志

縣令

儒學

縣尉

巡司

城守 附載兵防

卷五 人物志

科貢

封贈

懿行

列女

卷六 藝文志

疏

記

叙

詩

雜記

重修鎮平縣志卷一

疆域志

沿革

沿革

封界

城池

官署

明崇正六年朝議以種鄉平遠之龜樊石慮等圖去

治遼遠山藪藏垢弗登弗戢請析而縣之名以鎮

平建置既明形制宜悉地雖蕞爾而經界之正保

津之脩固革之宜皆司牧者所當留心也志疆域

沿革

潮州在唐虞統屬南交禹貢為揚州之南裔春秋為揚

越地秦為揭陽隸南海

通鑑綱目始皇三十三年略取

革表程新秦南海郡之揭陽

兩漢仍之

漢書兩粵傳武帝元鼎五年封南海揭陽合

定峰漢為安道侯地理志不詳開南海郡屬縣六一揭陽後漢書郡國志交州刺史部南海郡揭陽一揭陽

三國吳隸廣州

三國志吳黃武五年分交州置廣州士燮傳權以交趾歸遠乃分合浦以

晉大康中置南康郡隸南康咸和中立東官郡隸東官

隆安中立義安郡隸義安

義安郡在古考宋書地理志南康郡一揭陽揭陽郡在古考宋書地理志南康郡一揭陽揭陽郡在古考宋書地理志南康郡一揭陽

改曰臨縣又云唐書地理志晉南康今魏州揭陽今寧都據此又一揭陽非即秦漢屬南海之揭陽也云
考南海之揭陽自漢以晉書及宋書南海東官皆無之當是既廢吳至魏宋乃復建於潮州改爲
東官又似無據又云晉地理志安平今東官立義安郡領縣五海陽臨安海寧新陽義招無揭陽
名今據明一統志去揭陽之縣名屬南海郡晉屬南康郡魏廢宋宣和年割海陽縣地復置縣
潮州經興初廢尋復置之仍舊名魏晉之屬潮州府據此則揭陽之在晉時似屬南海無疑若云改屬東
官似為無據或因東官善安義招力即古縣別既廢善安名亦遠更之改即一統志所謂後廢者亦以
此耶至魏宋割置復魏潮州故至今名仍其舊特地之廣狹有殊耳

宋仍晉制蕭齊

增程鄉縣屬之梁普通中改義安為東揚州尋改為義

安郡置程鄉縣瀛州陳永定中廢瀛州仍為義安郡隨

開皇中以故義安郡為潮州大業中復改為義安郡置

程鄉縣程鄉縣見於隋書州郡志隋又復置其中廢改之故無從詳考又獻通考云梁東以
未廢置混雜不能悉舉

唐武德中仍為潮州程鄉仍舊為屬縣五代南漢折置敬州

之業州梁以避太祖祖諱改名領程鄉縣宋改敬州為梅州領程鄉

縣元仍置梅州領程鄉縣明省州入縣屬潮州府洪武

元年改潮州路為潮州府梅州路為程鄉縣屬嶺東道

初領縣四海陽潮陽揭陽程鄉厥後饒平惠來等縣以

次漸增嘉靖四十三年析程鄉興寧地置平遠縣崇正